

CHIEF SECRETARY NOTES

Territorial Commander : Colonel Lalngaihawmi chu IHQ London ah International Moral & Social Issues member te thutkhawmna neihah a kal a, kan territory tana mamawh leh tul te sawipuina hun IHQ Leader hrang hrang te a neihpui hnu in dam takin THQ a lo thleng leh a, March thla tawp lam khan All India Territorial Commander's Conference Trivandrum ah a hman hnu in Kolkata-ah CASA Meeting ah a tel leh bawk.

Local Officers' Rally : Central North Division –a Local Officers' Rally Zemabawk Corps-a neih ah Division chhunga Local Officers thahnem tak an kalkhawm a, Subject thlanchhuah bik leh sawitu bik neihna atanga zirtirna ngaihthlak chu thil manhla tak a niin, bial pum tan hmasawmna thlentu a nih ngei beisei a ni. He hunah hian Chief Secretary te nupa pawhin Sunday Thianglimna Inkhawm ah hun tha tak changin an tel ve.

Officers' Council : Central South Officers' Meeting 8th April, 2011 khan Aizawl Central Corps-ah neih a ni a. Thawklai Officer nupa te an lo kaltha hle. He hun hlimawm tak hi Territorial Commander leh Chief Secretary ten an hmanpui.

Cadets' Commission : Ambassadors of Holiness Session Cadets mi 12 te chu 10th April, 2011 khan Aizawl Temple-ah Territorial Commander in nemnggehna leh tirhchhuahna a nei a, he hun ropui takah hian khawpui chhung leh thingtlang atangin Hriatpuitu Sipai mi tam tak an lo kalkhawm a, inkhawmna benglut leh ropui tak a niin, Officer te chuan he chanchin ziahlai hian ruat an nihna hmunah rawngbawlina hlim takin an kalpui tan ta.

Wedding Bell : Heng Officers te hian April thla chhung khan Inneihna hun hlimawm tak an hmang:

- 1) Lt. David Lalthazuala leh Lt. Lalhmingthamawii – Bethlehem Corps-ah
- 2) Lt. Lalthanpuia Ralte leh Lt. Laltanzuali – Baktawng Corps-ah
- 3) Captain Lalsangzuala leh Lt. Vanlalruati – Chanmari 'W' Corps-ah

An za in kan lawmpuiin, rawngbawlina ah nasa zawka malsawmna an thlen phah ngei kan beisei.

Literature Seminar : THQ in Communication Deptt bultumna in Aizawl khawpui chhunga Corps chanchinbu chhuahtute (Editorial Board) te tan Booth Mansion Conference Hall-ah seminar a buatsaih a, Corps tin atangin palai thahnem tak an kalkhawm a. Inzirtirna leh tan lakna turte sawiho a ni a, he seminar hi Chief Secretary leh Editor in an hova, hun hlawk tak a ni.

Ruby Jubilee : India Eastern Territory chhunga khawvel ramdanga sipai pawl thalai pawlte kalphung anga dinna hmasa ber (Torch bearer Group movement) Chaltlang Corps chuan a kum 40-na 14th April, 2011 khan an lawm a. Dr. H. Thansanga, he dintan huna TGM President chuan kum 40 kalta a meichher chhi a kawngzawhna hmun chiah ah khan meichhe chhi tan in kawng zawhna neih leh a niin, he hun ropui tak hi Lt.Colonel Lalramhluna CS chuan a hmanpui.

Passion Week : Palm Sunday atanga Easter Sunday thlenga Aizawl khawpui chhunga Corps te rawngbawlina chu mi tam tak tan malsawmna thlentu a niin, kumdang ang lo takin Tumkau Ni leh Easter zinga kawngzawhna te chu YP Corps naupangte mai thawkhhuak lova thalai leh nu leh pa te, zaipawl leh band ten an thlawpna chuan a ti hlu hle. He hunpui ah te hian THQ Officer zawng zawng ten rawngbawlina hun Corps hrang hrangah kalin an nei.

Calendar of Events : Territory chhunga Corps/Society ten kan Calendar-a alan angina, tun quarter chhunga Calendar of Events te a nihdan tur ang taka Corps-ah an hman avangin an hmasawmna hi kan lawm a, mahni DHQ-ah hmandan te report zel tur a ni.

Divisions visit : April thla tawp lam hian Territorial Commander chuan Western Division tlawhin Social Board Meeting te a hova, Chief Secretary leh TSWM pawhin Eastern Division (Manipur) tlawhin Officers Council leh Social Institution Board te neihpuiin Property lam endikna te an nei bawk.

Tawngtaipui ngai : Commissioner Chiangnuna chu hun engemaw chen atang khan damlohna enkawl thiam harsa tak neiin a awm a, englaipawhin a lei hi a che reng mai a, phailamah te kalpui a nih hnu in a lo haw leh tawh a. Mahse a natna hi duh angin a tha chak lo hle a kan hotu kawng tam taka min lo kaihruai thintu hi sipaiten kan tawngtaina ah atan ilo dilsak thin ang u.

Ropuina ramah : Major Pangmani w/o Major Sapzinga chuan ni 24th March, 2011 khan ropuina ramah min kaisan san ta. Major vuina hunah hian Major Thanhlira PS in inkhawm kaihruaiin Lt.Colonel Lalramhluna CS in Thlamuanna thuchah a sawi. Major vuina hunah hian sipai te leh thiantha te mi tam tak an pungkhawm. Major kaisan a chhungte kan tuarpuia an tan kan tawngtai a ni.

Tawngtai ropui : Mizoram min kaihruai tawhna avanga lawmthu sawina leh kan tihsual te avanga ngaihdam dilna tawngtai hun ropui tak AR Ground-a ni 27th Aprl, 2011 a buatsaih ah officer engemaw zat leh sipai thahnem tak an tel ve a ni.

Ngaihtuah tur : "Tunge ka tirh ang a, tunge ka tan kal ang" Isaia 6:8

*Lt.Col. Lalramhluna
Chief Secretary*

BORALNA LO THLEN HMA HIAN PATHIAN HMANGAIHNA AW HI CHHANG TEH



- Major Tuliana
Aizawl Temple Corps

Changthlan: Luka 19:41-44

“Tin, a thlen dawnin khua chu a hmu a a tahchhan a, aw nanglul hian tun chhung hian he thlamuanna tur thu hi lo hre tehram la, nimahsela i hmuhlohna turin a inthuo tawh si a, i ralten i velin kullh an siam anga, an hual ang chia, i velin chhuah theihlohin an awm chhan ang che, i chung a i fanaute nangmah nen leiah an paih vak ang ch, i chhunga lung intiang reng reng an zuah lovang, an fan lai che hriat loh avangin chutiang ni chu a lola thleng ang”.

Thuhmahruai :

Pathian hmangaihna aw hawisan leh haidertu nih pawizia leh rapthlak zia hi Bible ah hmun tam takah kan mu a, thuthlunglui lam kan en pawhin hnam thlan, Juda leh Israel ten Pathian thupek leh duhdan an awihloh leh an hawisan thin avanga an chung hremn an tuar nasat ziate, hnam dangte awpbeh leh salah ta an tan phah thinziate kan hmu tam em em a.

Zawlnei Isaia leh jeremia ngawt pawh hian, an hnena Pathianin an mahni ka tlanga a puan leh hriattir vawi tamtak an hrilhin an puanga, an zawmluh chuan chhiatna rapthlak tak, hrilhin an puanga, an awm loh chuan chhiatna rapthlak tak, Babulon sala hruai leh tihduhdah an nih tur an hrilh a, mahse zawlnei der te thu an zawm zawkin, hmangaihtu aw an awihloh avangin Jeremia phei kha chuan vawi tam tak a tohphah thin a, milem biak leh sualna tinreng tai awm an bang chuanlova, zawlnei tahbelha, tiin an hmusit zawk a, Jeremia tan erawh chuan a mite, a chipuite an Jerusalemte tihchhiatvek leh sala hreawm taka an tan tur Chiang taka a hmuh si avangin tap tap lo thei a ni lo a ni.

Jeremia hi BC 640-588 inkar vel khan a lo awm a, Lal Zedekia lallaiin BC 599 Babulon Lal Nebukanezer a lo liana an khawpui Jerusalem chu tihchhiat vek a ni a,

mi tamtak a thata an thah bangte chu salah an hruai a, khawpui ram mai a lo ni ta a, Jeremia chuan tahhla (Lamentation) bu a lo siam ta hial a ni, ava pawh teh lul em!

1. Lal Isua Krista khawvela a lokal lai khan, kum thum chhung emaw rawngbawlna hun hmanga a awm laikha han thlir leh ila, Pathianin a ma fapa malneih chhun meuh, a hnamthlante hnena a rawn tir, mahse a Postolte leh mi tlemte tih mai loh chuan, Pathian fapa, an hnena lo kal niin an hre thei lova, thilmak ropui tak tak pawh ti thin mahse, rin aain cheksawlh leh endawngna tin reingin an hmusita, an hnena an LAL lokal chu an khengbetin an tihlum dawn a ni tih Isua Krista khan a hmu tlang veka, a hun hnunung lama Jerusalem a tlawh tum khan, khawpui a han thlir khan a chhunga mipui tamtak awmte leh a mite kha a hmangaih em avang khan, an Lal Mesia haidertu, a miten boralna rapthlak anchunga lo thleng tur a hmuh tlang si avangin, Lal Isua kha keini pawh hian kan hmangaihte, damlo reilote a boral mai tur nia Dr. ten min hrilh, an mahniin boral mai tur an nih in hre silo te chu a rukin ka tahpui thin a nih hi. Kum 1955 kum khan Cachar Pastor Zosangliana'n a thusawinaah hei hi a sawi a, ka theihngihl thei tlat lo. Heti hian a sawi a, “Ka fanu a dam lova, Silchar ah Dr. hnenah ka va entira, Dr. cchu beidawngin ka hria a, ka naut ka hruai haw tir a, Dr. chu a rukin ka zawt ta a, a ni chuan i fanu kha ni reilo teah a boral dawn a ni tih min hrilh ta mai a, ina ka va haw chuan kan in bul ah chuan hlim tak hian a lo inawmlem a, ka han en chuan ni reilote chauh damtur a nih Dr. in a ti si a, ka lung a chhia a tap zawih zawih mai a, min hmuh ka hlau baw si a, lehlam ka hawi a, ka mittui chu a sur zung zung mai a ni”, tiin a sawi a ni.

2. Lal Isua pawh hian Jerusalem khawpui, an hnena an Lal lokal an hriat loh leh an hnawl avanga, Rom sawrkarim a tihchhiat vek tur leh an tuar nasat tur zia kha a hmuh tlang si avang leh a hnam thlante a hmangaih em si avang khan a tah chhan ta hial a ni. Hetianga a tahchhan ang ngei hian, AD 70 kum khan Judate hian Rom sawrkar laka chhiah an chawi tur chawi duh lova, an hel tak avangin, Rom sawrkar thin ur chuan Jerusalem an huaka, kulh bang zawng zawng an ti chhiain achhunga mi chengte tamtak an that a, Temple ropui taw pawh kha an ti chhe veka, mihring pawh maktaduai khat leh nuai khat(11,00,000) lai an that ta a, an thah bang salah an hruaia rethei takin an awm ta a nih kha, Zirtirte hnenah Lal Isua'n, "Tihchim loh tura lung intiang reng reng a awm lo", a tih kha a lo thleng ta. (Marka 13:2)

3. Awle, keini Jentail hnam, Krista tlanna a zara a mah ringtu leh duhtu apiangte, Kross thisen zarah chhandamna chang a, thlarau thianghlim siam tharna chang tute, thlarau lama hnamthlan nihna changtute hi kan va vannei em! Tirkoh Petera pawhin Jentail kohhran

ho hnenah heti hian a lo sawi kha:- "Nangni zawng chithlan Lal Puithiamho, hnam thianghlim Pathian mite ngei chu inni, hmanlai khan mi reng inni lova, tunah erawh chuan pathian mi inni ta" (I Petera 2:9) tia a sawi te. Amah Isua Krista ngei pawhin, hetiang hian a lo sawi kha, "A ma mite hnenah a lokal a, amah a miten an lo lawm silo, nimahsela a mah lawm apiangte chu an hnanah Pathian fate nih theihna tur a pe Ahming ringtute chu", (Johana 1:11-12) a alo sawi te kha, a takin kan changta kanva vannei tehlul em !

Pathian kan hnena a inlarna leh inpuanna hunhnuhung ber, thlarau thianghlim kan hnena a inlarna len inpuanna, mi fan hun lai hi hawisan leh haidertu nih a va hlauhawm teh lul em, Lal Isua kha lokal leh ta se, ti lungchhetu leh titaptu kan nih a va hlauhawm em! Thlarau thianghlim sawmna ngaisak lova hawisan tute chu tuman an sawm loh hun a thleng tep a ni, nau duhtak, lal isuan thlarau thuanghlim hmanga minkohna leh sawmna hi ngaithlain lo pawm ve teh chuti lo chuan, Jerusalem chhitana aia raphlak zawk, chatuan boral i chang dawn a ni, hun tlemte i la neih hi hmang thain, nunthar Krista hi nei ve ngei ang che.

CHURCH GROWTH

- *Lalngakliana CS
Ramhlun VT Corps*

'Church Growth' tih hi 'Kohhran thanlenna' tihna a ni mai a. Kristian kohhran pawl hote hi thanglian zel tura siam a ni. Lal Isua, thihna hneh zova a thawhle hnu khan a zirtirte hnena a thuchah pawimawh ber mai chu 'Khawvel zawng zawngah kal ula, thil siam zawng zawng hnenah Chanchintha hi hril rawh u,' a lol ti a ni (Marka 16:15). Chutichuan, ringtute hi chanchintha hril darh zel a, khawvela thanglian tura thupek kan ni.

Kan thupui hian a huam zau hle mai a. Tunah hian kan phelsin vak hman dawn lova, kan thupui pawimawh zual deuh deuh te atangin thanlenna ah zirlai i lo zir dawn teh ang u. Hetiang hian han thehdarh ta ila :

1. **Rawngbawl dan a in thlak fo :** Apostol hunlai ata kum zabi tinah leh eng hunlai pawhin Kristian hote

rawngbawl dan hi hun inthlak zelah hian a danglam fo thin. Amaherawhchu, chanchintha thuchah chu englai pawhin a pangngai reng a ni. "Isua Krista chu nimin ah nen, vawiinah nen, kumkhua pawhin a pangngaiin a awm fo vang," tih a ni (Hebrai 13:8).

Chutihlai chuan chanchintha thuchah pangngai reng chu boruak danglam zelah mihringte rilru leh thinlung hneh nan beih dan a danglam fo a ngai thung. Tirkoh Paula pawh khan Juda ho a hneh theih nan Juda mi angin a awm a. Dan nei mite leh dan nei lo mite a hneh theih nan an awm ang angin a awm thiam thin a ni (I Kor. 9:20-21).

Rawngbawlna thil reng rengah thiltihdan pangngai reng hi ngaia neih ringawta hmasawn si loh a awlsam em

em a ni. Kum 1700 AD laihawl vel khan England ramah Hartharna ropui tak mai a lo thleng a. Europe khawmualte, America ram te a kangkai zel a. Chuta harhna hruaitu ropui chu John Wesley-a leh a nau hlaphuah thiam, hla sangkhat zet phuahu Charles Wesley-a te unau an ni a. England ram kohhran pui ber Anglican (Church of England) a sawinghing luai luai a. Methodist kohhran a lo pianchhuah phah ta a ni.

Methodist Kristian te chu Evangelical em em mai, thangchak em em mai a ni. Mahse kum 100 zet a lo niam hnu chuan thidan phung pangngai ngawt chuan chu kohhran chu a ti nung zo ta lo a. Chu kohhran, Methodist New Connection atang ngei mai chuan Rev. William Booth-a chuan hartharna ropui tak mairawn paw chhuak lehin Salvation Army hi a lo pian chhuah phah ta a ni.

Hetiang hi thil awmdan a ni a. Chanchintha puan dan hi thil pangngai reng chu a nung duh lo fova, boruak danglam zel hneh tura inher danglam thiam a ngai fo. Hei hi thanlenna turah hriat a ngai tak zet zet a ni.

2. Thangthar hip zawnga tih thiam a ngai : Tunlai khawvel danglam zel a chanchintha thuchah pawimawh tak chu thangthar hip zawnga rawngbawl dan chherchhuah zel a ni.

General William Booth-a chuan “Chhandamna Sipai chu tunah leh nakin hun zelah pawh englai pawhin a naupang reng tur a nik” a ti. Hei hi thanlen nan thufing tawi pawimawh tak a ni. Engnge a awmzia le? Thangtharte hip zawnga kan rawngbawl na ah chanchintha hi thangthar zelte hip thiam turin intihtunlai (modify) thiam zel tur ani tiin hrilhfiah ila, a dik hle ang.

Eng kohhran pawl mai pawh hi a dintirh laia tha tak pawh a lo rei chuan a nung lo fo thin. Chhiatna leh kehdarhna thlengin a thleng fo. Ahlui hman tlak loh chu a thara chher hriam thiam a ngai thin. Hei hi headquarters level-ah te, Corps level-ah te hriatchian a ngai hle a ni.

3. A ram ze mil zela tih thiam a ngai : Hei pawh hi thanlenna zirna ah hmaih chi a ni hauh lo. Khawvel ah Salvation Army hian a hre Chiang a. Commissioner Booth Tucker-a chuan sap hawher leh sap dan paihthla vekin India ramah India mipuite thleng phakin rawng a bawl a.

Harsatna chhiar sen loh leh tihduhdahna karah Salvation Army chu India ram ah a lo dingchhuak ta a ni.

Mizoram ah chuan Mizo te ze rem zela beih a tangkai ber. Chutiang zelin kan chhehvel Manipur ah te, Tripura ah te, Assam ah te, Arunachal ah te, Meghalaya ah te, Sikkim ah te pawh a ram ze mil zel a beihthiam a ngai a ni. Hetiang hi Kristian Missionary te pawh hian khawvel puma an chin dan a ni. A ram chungah ngei pawh hei hi thiam a ngai.

4. Thil tangkailo paiha, a tha lak luh thiam a ngai : Hnam thil ah a ni emaw, thil tangkai lo chin dawklak paiha a tha lak luh thiam na ah hian thil hlui ngaina leh a kulmuk ho (Conservative ho) ten an hrethiam lo fo thin a. An sak duh hle. Mahse hnunglam paiha hma lam um chu thanlenna hnuk a ni tlat.

Salvation Army sap hla tam takte hi a dintirh laia khawvel hla, zu hmun leh khawlai a hla lenglawng, hla leplerh thluk hmanga phbuah an tam em em a. Chung hla thluk, kohhran dang kul muk pui pui ten an aduh hauh loh hla thluk hmang chuan thlarau lam indona an lo siam a. Thlarau bo man nan an tangkai pui em em a ni. Keini ho pawh hian Pathian sipai hote indona hlate siam ve ila, a tangkai ngawt ang. Hetah pawh hian kan la harhchhuak lo hle a ni.

Tin, lehlam ah hnam thuthlung, ram thuthlung lama lungleng tlat, piangthar si lo leh kal ngaihna hre lo zofate zingah tam fe an awm bawk. Heng ho hip tur leh an hnen thleng phak tura rawngbawl nan kan pi leh pute zu hmun zai leh thluk, tlarthum zai chi hrang hrang hmang hian Lalpa indona hla te phuah bawk ila. A hun leh ni ah chuan chheih thuai thui mai bawk ila, kil leh lam tan, chungho thlarau lama hruaichhuah nan a va tangkai awm em! Helamah pawh hian harh chhuah tho a ngai a ni.

Kristian pawl ho zinga Evangelical ber mai inti ngam Salvation Army kan ni a. Piantharna dik, chhandam nih inhriatchian (assurance of salvation) te, kohhran dang pawm theih hauh loh pawh tunah chuan miten an lo hrechiang ve ta a. Sacrament chi hnih - Tui bapthama leh Lalpa zanriah - chungchanga inhnialna nasa tak thin pawh a lo reh ta duak mai. Miten an lo hrechiang ve ta a ni. Pathian thutak leh inngahna dik Salvation Army Theol-

ogy chuan Zoram hi a chiahneh ta. A lawmawm hle mai. Kan rawngbawl dan tha tam tak an la chhawng zel a. A lawmawm hle a ni.

Hetihlai hian mite tihdan tha engemawzat kan lakluh ve mek pawh an awm a. Heng a lar zual - Upa Biala siamte, a ria tawngtai rualte, tuktin zing inkhawm, etc. angt hi an tha em em a ni. Chutiang zelin kan chinthan viau pawh ni se tangkai tawhlo te pah bo ngam a, mite tih dan a tha lakluh ngamna ah pawh hian thanharh zel a ngai a ni. Chu chu thanlenna atan a tangkai em em a ni tih hriatphak a hun tawh a ni.

5. Hartharna dawn sawn thiam : Church growth zir bing miten rualkhai taka thanlenna an hmuh chhuah lar tak chu hartharna dawn sawn thiam hi a ni. Thuthlungthar kohhran hi pentecost ni ah hartharna in tih famkim a ni (TT 2:1-13). Kristianna darh chak chhan ber pawh hei hi a ni. Salvation Army pawh hi London kilchhakah hartharna atanga intan chhuak anih kha.

Mizoram hi kan vannei em em a. Hartharna a thleng zing hle a. Kum 50 lek chhungin Kristian ramah kan awm hman a. Hetiang hi khawvel ram dangah a awm ngai mang lo. Kum 1906 ah te, 1913 ah te, 1919 ah te, 1935 ah te, 1950 ah te, 1962 ah te, 1984 ah te, 1990 ah te hartharna ram pum huapte leh hlawn lian tak tak te in a thleng a ni.

Kum 1935 leh 1950 a thleng te chu a nasa em em a. Zep nak emaw, Salvation Army hian a lo dawn sawn thiam vak ngai lo. An lo dawn sawn thiam loh chhan ber chu hei hi a ni - Harhna a lo thlen hian harhna changte zingah Setana a inawlh thuai thin a. Ze chhia leh ze nawi in a pawlh thin. Inngaihna sual leh khurbinna te, at phah na leh intihlumna hial te tam tak in a pawlh thin a. Chu chu an hriatthiam loh chhan a ni ber. Amaherawhchu, harhna reng rengah hian mi tam tak an pianthar phah a. Kohhran ban tam tak a awm thar phah thin. A zechhia chauh hmuha, a thatna lam thlir loh chu a dik thei lo. Buhsi leh buhtak chu to za turin Bible in a sawi. Engpawhnise, harhna dawn sawn thiam hi thanlenna leh Pathian ram zauna lian ber a ni tih erawh chu i hria ang u.

6. Soul saving leh administration inbuk tawk : Thlarau chhandamna (soul saving) leh kohhran-a ro

inrelna (administration) hi a inbuk tawk zel a ngai. A engemaw zawk zawk ngaihnep emaw, hlanchhiah emaw kan neih chuan a thanlen theih loh tih hi hriat reng tur a ni.

Thlarau chhandamna hi a pawimawh hmasa ber a. Mahse ro inrelna ngaihthah lutuka kan tih chuan Corps te hi lu lian pui pui, fu ke puitling lo, zuih tut a thanna a ni. Chutiang mihring chu piangsual an ni. Tin, administration chauh dah lal a, chhandamna lam ngaihthat pawh thi reng si nung hming pu, hmangaihna hmasa ban na a ni tho bawk. Chutiang Headquarters leh Corps ah chuan Sipai hote hian chaw chhum hel, chaw the, chaw hminlo ei an ning hlih hlih tih hriat tur a ni.

He thil pahnih hi a inkawp tlat a, lak hran theih a ni lo. Pathian nung kohhran, thutak ban leh inngahna, Krista taksa, Pathian Sipai rualte ruh leh thling a ni.

7. Inpeng tawn vek kan ni : Ringtu Pathian Sipai rualte hi Thuthlung Thar ZKohhran, Setana leh a hote do reng tura Pathian thlan a ni. Thanlen nan inpeng tawn vek kan nihna hriatchian a ngai em em a ni. Paula khan Koringth khaw ho hnenah te, Ephesi kohhran ho hnenah te, Rom kohhran ho hnenah te, kohhran thanlen nan fuihna thu hrihlin a ngai pawimawh em em a (I Kor. 12:12-14, 24-30; Rom 12:4,5; Ephesi 2:20-22).

Officer (Puithiam) kan ni emaw, Local Officer kan ni emaw, Corps-ah eng chanvo pawh chelh ila, inpeng tawn vek, lakhran theih loh, chhandam tura chhandamna hnathawktu vek kan ni. Chak lo deuh an awmin, Sinai tlang dana khauh taka thil ti mai lovin kan inpui tawn zel tur a ni. Kan indawm kang tawn zel tur a ni, Paula chuan, "A ni, chutih a hnekin taksa peng chak awm lo zawka langte hi an pawimawh zawk em em a ni," a lo ti (I Kor. 12:22).

Kan vai hian Pathian taqksa remkhawm, ralkap tura remkhawm, raldo mai thei tura inring reng kan ni. Kan chanvo theuh te hi Pathian ngaihna a ropui vek a, hlu bik leh hlu lo bik reng a awm lo. "Taksa pumkhatah peng tam tak kan nei a, peng zawng zawng thiltih erawh chu a inang lova. Chutiang bawkin keini tam tak ni mahila, Krista ah chuan taksa pumkhat kan ni a, amal malin in peng tawn theuh kan ni," (Rom 12:4,5).

8. Tihur kan nei vek : Thanlenna kawngah hian kan vaiin tihur kan nei. Mihring rilru atang chuan sang leh hniamte, ropui leh nep deuhte a awm thin. Pathian rilru atang chuan rawngbawlina chanvo zawng zawng a inchen vek. A in ang vek. Pathian tan chuan nikhat leh kum

sangkhat a in ang reng. Hun leh ni hnuaiah a awm ve lo.

Chuvangin kan chanvo theuhah rinawm leh taima takin, thahnemngai taka kan beih chuan Pathian a lawm ang. Chu chu thanlenna ropui a ni e.

CORRUPTION DO

- R. Lalramhluna, CSM
Zobawk Corps
Southern Division

“Thil tha ti atan Krista Isuaah chuan siama awmin ama kut chhuak kan ni si a, chu thil tha tih chu kan awmna turin Pathianin a buatsaih lawk a ni,” Ephesi 2:10

Israel fate سوالنا zinga langsar tak, Pathian pawhin a thlir ngun bik (notice) chu an zinga hlemhletna سوال chi hrang hrang, rethei chanai an laksak te, nawmchenna سوال chi hrang hrangte a ni fo mai. Corruption hi Pathian huat zawng سوال lian tak teh meuh mai; “Hetiang hian mi khawngaihthlakte dik takin in relsak duh lo va, retheite that vena tur in dal tlat a, hmeithaite in ei a, fahrahte in rawk a,” (Isaia 10:2) tih te, mi lote an awt a, an laksak a; inte an awt a, la mai bawk a; mi leh an chhungte, mi leh an ro thlengin an hnuaichhiah a ni, (Mika 2:2) tih te, “Dan thu chuan kori a tu hleithei lo va, rorelna thu a thhuak ngai hek lo,” (Habakuka 1:4) tih leh, “Lehkha ziaktu Kawlawm dawthei chuan dawtah a chantir zawk a ni” (Jer. 8:8) tih te chu Israel mite chungchanga Pathian thusawi a ni tlat mai. Heng Israel mite سوالنا thiamloh kan chantir ngeite hi kan ramah kan hmang ve reng tawh a ni. Chuvangin, “Ka hming pu ka mite chuan inngaitlawma an tawngtaia, min zawna, an awmdan sualte an hawisan chuan, van atangin ka lo ngaitla anga, an sualte ka ngaidam ang a, an ram chu ka tidam leh ang” II Chro. 7:14 a tih angin hlemhletna سوال kan tih thinte sim a, Pathian hnen kan pan hi a hun takzet ta a ni.

Awle, Corruption kan Do dawn anikh chuan Corruption awmzia leh nihna i lo en Chiang hmasa ila. Chumi atang chuan kan ram hi kan lo corrupt tak tak em tih kan hre Chiang dawn a ni. Compact Oxford Ref-

erence Dictionary chuan hetiangin corrupt/corruption a hrilhfiyah : “willing to act dishonestly in return for money personal gain; evil or immortal” tin, Corruption awmzia pawh hetiangin a hrilhfiyah - “Dishonest or illegal behaviour emaw, act of corrupting someone or the state of being morally corrupt” tiin. Aw le, he hrilhfiyahna atang hian Corruption chu rinawmlohna avanga dik lo taka midangte chanai laksaka, mahni hamthatna tura thil tih hi a ni Chiang hle tih kan hre thei a ni. Chuti a lo nih chuan kan ramah hian diklo taka midangte chanai mahni tana laksaka corruption practise thin an lo tam viau tawh anih hmel hle mai, pawisa kawng bo te, mirethei rumna leh tahna te, development sum a hmanna tura hman loh thin te a tam si a, corruption chu a lo tlangnel hle tawh a nih dawn hi. ringtu tawh phawt chuan heng thil tha lo hi kan tih ve loh tawp tur a ni a, kan chhungkuaah kan khawi ngam tur a ni lovang. Kut tling lova lo hausa chu Varung, mahni tui ni lote awp keu ang a ni a, a la dam lain amah an hransan ang a, a tawpah chuan mi a a lo ni mai ang,” (Jer. 17:11; 22:13,14 en bawk la) tih hi ngaihtuah chian a tul hle mai. Krista sipai duh tak, he nun hi tunah khan i practise mek a nih chuan sima Lalpa hnenah thupha chawi turin ka ngen tak meuh a che. Pathianin a tanpui duh che a, hnehna pawh a pe ngei ang che.

Bible in engtingge a tih :

Corruption kan hriat lar ber sawrkar emaw Pawlho sum

diklo taka eirukna leh hmanna lama fihlim nia inngaite pawh hi kan lo corrupt ve reng em tih Bible atangin i lo bih Chiang ve ang aw.

1. Chhe zo / intichhia hi Corruption a ni : Gen. 6:12, “Tin, Pathianin lei hi a en a, ngaiteh a *chhe zo* tawh a, tisa zawng zawng hian leiah hian an awmdan an *intichhe zo* tawh si a.” Exo. 8:24, “...Tho tam tak chuanbia a, “Zu chhuk tawh khai, i mite Aigupta ram ata i tawn hruai chhuahte khu an *intichhe zo* ta vek mai...” Sam 14:1, “Mi a chuan a rilruin, ‘Pathian reng a awm lo,’ a ti a, an *chhe zo* va, thil tenawm tak an ti a.” Thuhrlitu 7:7 “Hnehchhiahna hian mifing a ti a, thamna hian rilru a *tichhia*.”

Pathian awm ringlo te, mi hnehchhiah ching leh thamna la thin leh mi tham chingte pawh hi corruption titute zingah kan lo bang bik lo a nih chu. Mahni leh midangte tihchhatna tura sualna chi hrang hrang kan tih hian kan lo corrupt reng a nih chu. Lal Ahaba khan a thenawmpa Nabotha Grep huan a awt tlat mai a, diklo takin thil a tih kha a chhhatna thlentlu a lo ni reng mai a nih kha. (I Lalte 21:1-29). Anania te nupa Pathian hnena pek tur a then zep ru duhtu te pawh khan an lo corrupt ngei e.

2. Thil tih khawloh hi Corruption a ni : Thupuan 19:2-ah Lei *tikhawlotu* tiin a sawi. Sam 38:5, Ka atna atangin ka pemte hi a *khawlo zo* ta tih a ni. I Kor. 15:33, “Thian sualte chuan nungchang tha an *tikhawlo* thin, (Bad company corrupt good character). Mahni leh midangte chhhatna tura thil tih hi corruption chu a ni. Mit chapo te, lei dawthei te, pawl khawih lo thisen chhuahtna kut te, thil tha lo suangtuah thin thinlungte, pawl khawih tura ngal chak te, hretu der dawt sawi thin te, Unau kara inremlohna tuhtute hi Pathianin a huat berte zingah an tel.

3. Bawlhhlawh / Bawlhhlawhna hi Corruption a ni : Sam 14:3, “Ani lo lamah an peng ta vek a, *bawlhhlawh* takin an lo awm ta hlawm a.” (They have together become corrupt). Jakoba 3:6, “...chu chuan taksa pumin a *tibawlhhlawh*...” a ti. II Pet. 2:20, “Khawvel *bawlhhlawhna* te an tlan chuahsan hnuin....tih a ni bawk. Khawvel mite nun bawlhhlawh anga nung thin mite hian corruption an practise reng a ni.

4. Tawng chaltlai hi corruption a ni : Thufingte 4:24 “Tawng chaltlai bansan la, mi bum ching suh.” 6:12, “Mi tlaktlailo, mi khawlo chu tawng chaltlai nen a vak vel a.” Ephesi 4:29, “Thu thalo reng in kaa’n chhuak suh se.” Tin, thu tlaktlailo sawi hi corrupt word a ni (Dan. 2:9).

Mi rel kan chin te, tawng chaltlai tak hman kan chin te, dawt sawi kan chinte hian corruption tih ching mi kan lo ni ve reng a nih chu..! In tawngka chhuak chu chi a al, khawngaihna tel ni fo rawh se, tih a ni si a.

Corruption vulh lian suh :

Doctor thiam tak pakhatin Heath Worker-te training a neihpuinaah, “Natna hlauhawm ber engnge ni? tia a zawhna chu AIDS, Zunthlum natna, Cancet etc. tiin an chhang a ni awm e. Mahse chu Doctor chhanna pek chu, “Sum ngainatna” hi a ni. “Bible pawhin sum ngainat hi sual tinreng bul a ni” a ti bawk. Miin sum a duh luat tawh chuan chumi atanga tal chhuaht leh chu a harsa hle tawh a lo ni. Sum ngainat avangin miin corruption a lo ti thin a ni. Ka hriat reng chu Ni 9 July, 2009 zan khan Pakistan President Asif Ali Zardari khan an ramah firfiakte (terrorist) din leh chawn leh a ni tih a puang mauh mai! Chung firfiakte chu an tan an hnawksakin hling leh fal an lo ni a, an duh hunah an dah bo mai thei ta lo! Ka unau duhtak, corruption i practise chhin vaih chuan i duh hunah i bansan leh thei kher lo vang. Chuvangin tichhin lo la, vulh lian hek su, nakinah nangmah la tinatu tur a ni e.

I kir ang u :

Kan ram hi Lalpa zawn chhuaht ram kan ti a. Lalpa thlarauvin wawi tam tak min lo kan tawh a, harhna thlipui pawh a thleng fo mai. Lalpa hnenah lawmth usawi tur kan nih mek laiin hlemhletna sual lian tak chuan ringtute min run mek si a. Engtikah emaw chuan Lalpa thinur kan tawngbaw mai dawn niin a lang. Kan tawngbaw tan mek pawh a ni mahna...Ringtute i harh ang u. Sima Lalpa hnenah ka kir leh chuan min lo vaw tawh mahsela, min tidan leh dawn si a. Kan sualte thupha kan chawi chuan kan sualte ngaidam tur leh kan fel lohna zawng zawng tlengfai turin amah chu a rinawm in a fel a ni tih hriain, Lalpa hnenah i kir leh ang u. Thil tha ti atan Krista Isuaah siam kan ni e.

SALVATION ARMY LEH KOHHRAN

*H Zadinga CS
Khatla Corps, Aizawl*

The Young Salvationist SMS huangah Tui Baptisma leh Lalpa zanriah (Sacrament) kan hman loh chhan zawhnate, kan hmingput (terms) thua rawnate kan hmuh avangin, kan nihphung hi thangtharte hrilhfiah a lo tul fo dawn niin a lang. Kan hriatna tizau atan, Bible tlawhchhanin i han zir chiang dawn teh ang.

1. KOHHRAN LEH SIPAI KHAIKHINNA:

Thuthlung hlui hi Hebrai tawnga ziak a ni a; Kohhran tih hi Gahal an ti a. Pathianin a hnam thlan Israel-te a kohhranna thu sawina a ni. Zotawng Bible letlingtute hian, inkhawmpui tih angtea a dah vek avang hian kan chiang vak lo a ni. New Bible dictionary-in a chhui dan chuan vawi 100 lai hman a ni. Israel ten, Pathian an tluksan thin avangin, serhhran an nihna hum an luah zo thin lo. An zinga, Pathian tana rinawm tlatte kha, Sipaiho tih an lo ni ta a (Joshua 5:14). Sipaiho tih chu vawi 830 lai hman a lo ni ta a ni.

Thuthlung thar hunah, Lal Isuan, a Kohhran a rawn din thar leh thu a sawi (Mathaia 16:18). Thuthlung thar Kohhran zia chu a lo dang ta deuh a; Jentail hnamte bik ni lovin, a hnam thlan Israel-te atang pawha koh chhuah an nih avangin, Greek tawngin 'Ecclesia' an ti a, awmze ril zawk leh zau zawk an neihtir ta a. Lal Isua nun tawmpuitu, a aiawh nihna pek a ni. Hun hmasa lamah chuan, hman lar nghal an ni mai lova, Marka, Luka, Johana, lekhathawn lamah, Juda, Petera, Johana leh Tita te hian an hmang ve lo. Jentail-te tana belruat, Paula hian a rawn hmang uar ta a, vawi 250 vel hmanga hriat a ni. Kristian Kohhran nihna thianghlim leh ropui tak chu keng zo lovin kan lo tidal leh ta. Pawl inhlawmkhawmna (organisation) sawina chi khat ang lekin kan hmang chingpen ta a ni. Setana mi leh sa, alamtangte nen lam Kohhran tih kan bel ta zel mai. Entirnan: Luka 2:13, Rome 9:29, Jakoba 5:4. etc angte hi. Chuvangin, Sipaiho tih hi kan hmelhriat thiam ta vak lo a ni. Kei ka lo pawmdan chuan, Kohhran neitu leh dintu Lal Isua hi a lungawi ta lovin, William Booth-a atana rinawm tlat chu chawk thoin (inspired) hming thar leh tha zawk, Sipaiho tih a rawn pe leh ta niah ka ngai.

Kohhran tih leh Sipai tih hi Bible-a ka hmuh danin, thu inlaichin hnai tak, awmze thuhmun, dik zawk leh dal zawk awm chung lo an ni a, lungawi taka, Sipai invuak hi pawm mai tur a ni. Kohhran tih aiin a thlan awm zawk awm hle mai. Kohhran zepui ber chu sualdo a ni, thalaite tan phei chuan Sipai thlarau hian min hnek zawk ni ngei ang, Pawla pawhin rawngbawltu thalai Timothea hnenah "Krista Isua Sipai tha tak angin hreawm mi tuarpui rawh. Sipaia awm tura thlangtu chu a tihlawm theih nan, sipai tumah nido lain tun damchhung khawsaknate hian a in ti hnawng ngai lo va" tia a lo chah ni (II Timothea 2:3,4) Piangthar diktak, Krista nun tawmpuitute chuan Sipai nihna zia an keng thin; SA Gould-a pawhin "Sipai rual lian tak ang Kohhran ho an awm" tiin hla a lo phuah daih tawh SA-469. Chuvangin, Army kan dah tawh chuan, Kohhran tih tluak anih avangin, Kohhran tih belh tur a ni lo.

2. **SALVATION:** Chhandamna tih chu Hebrai tawng chuan, Yesua (Isua) tih a ni. Salvation Army = Yesua Saboot, cchutiangin Isua Sipai, Isua Kohhran tite pawhin kan dah theih ang chu. "Lalber Sipai kan ni ahming lawmin kan pu" tiin lungawi takin rawngbawltu ila.

3. **CORPS:** English in French tawng atanga an lak a ni a, Sipai rual khat sawi nan an hmang. French tawnga a awmzia tak chu taksa tihna a ni. kohhran ho chu Krista taksa an ni. Kohhran tih aiin a awmzia a khaw fel mah zawk.

4. **INKHAWMPUI AIAH RALLY:** Inkhawmpui leh rally chu thuhmun Mizotawng leh English a ni mai. Kohhran dangin, conference tihte an hman lain keinin, Rally tihte Congress tihte kan hmang thung a. kan hmandan phung erawh a inang chiah lo. An ni hian rorel inkhawm angin an hmang a, keinin thlarau lam intih sawt tawn nan kan intawkkhawm thung.

5. **COUNCIL LEH COMMITTEE:** Rorelna sawina ve ve a ni. Sipai rawnga kal kan nih avangin, council kan hmang a ni. Sipaiah chuan war council-te an awm a; Committee erawh chu Sipaiin an hmang ngai lo.

6. **NAUPANG LEH YP:** Thil thuhmun a ni. Naupang Sipai tihte Young People (YP) tihte hi hman pawlh a soal lo ang.

7. **PULPITLEH PLATFORM:** He thu pahnih hi khaikhin chi a ni lo. Platform hi chu, kannei theuh. Pulpit erawh Sipai pawlin kan neilo. Thusawitu dinna hi Maicham tih tur a ni.

8. **ZAIPAWLLEH SONGSTER:** Thil thuhmun a ni. Kohhran vin, Choir an tih hi kei nin songster kanti mai a ni. Zaipawl vek an ni.

9. **LOCAL OFFICER LEH UP:** Thil thuhmun baw a ni. Local officer tih tlukpui tur, zotawngah thumal remchang dang hman tur kan nei lova, Upa tih ve mai hi a soal hnan lovang. Kohhran Upa tih aiah Corps Upa timai ila a soal lovang. Amaherawh chu, an hnathawh dan (function) leh ruat/thlan an nih dan erawh a dang deuh thung. Israelho zingah, tisa lam rorelna leh sakhaw lam rorelna an kai kawp thin a, sakhaw lam rorelna

atan Sanhedrin, an ti deuh bika sawi a ni. Member 71 an awm a; chung mite chu ZAGEN (upa) an ti. Thuthlung thar hunah Presbyteros tih an ni. Heng upa te hian, chanvo bi an nei thliah thin. Akhaipa ber, Puithiam Lal pawh an innih chhawk thin a. Puithiam Lal (CSM) Lehkhaziakltu (CS) tangkasum vawngtu (CT) etc chutiingin damlo kantu bik thlengin an awm a, an talent neih ang ang hman tangkai thliah an ni. Jakopa lekhathawn a, damlo tan Kohhran upa ko sela, tih pawh kha Kohhran upa remchang apiang pawngpaw koh mai lam a sawi lo, tihdam rawngbawlina keng, damlo kantu bik kher a ni a sawi an ti cchu (Jakopa 5:14). Hetiang a nih avang hian, Kohhran upa hi secret ballot-a thlan a ningai meuh lo. Kohhran mipuite ngaihdan thllir chungin, an tangkai theihna tur nia langah, an ruat saka (Tirkhohte 14:23). Khaw tinah upate i ruatna turin (Tita 1:5-7)

Sipai Pawl inrelbawlina dan hi, serh leh sang angin kan kalpui ve chiam lova, Bible kalphung thlarau (Spiritual) zuiin kan kal tm ber zawk a ni.

SUNDAY SIKUL BULTAN DAN



Lt. Col. Lalramliana

Sunday Sikula zir tur hian fee chawi a ngai ve lova, kum bituk a awm lo baw a, englai pawhin admision tih theih reng a nih avang leh, Thlarau khawvel chung chang zir theihna awm chhun a nih avangin sikul tha ber kan ti thei ang. Mizorama Kohhran thenkhat ten Sunday Sikul an neih dan tlem i han tarlang phawt teh ang.

Kohhran hian an din ata kum 18na 1925 ah Sunday Sikul an nei tan a, an zirlai bu chu ‘Korinth lekhathawn’ a ni. A ziak tute (1) Rev.Saiaithanga (2) Rev.Liangkhaia (3)Chawnga Zirtirtu. (4) Pastor, Chhuahkhama. (5) Rev. Chuaftera. (6) Hrawva. B.A. Ztu a ni. Presbyterian Kohhran hian 1925 hma lama zilai bu mumal tak an pual a an neih hma lam an chhut tello niin a lang. 1979 hian Baptist Kohhran nen an in then a, hemi kum hian “An sulhnu” tih Rev. Ronghinga ziah an zir a ni.

Baptist Kohhran hian Kohhran an din hma 1902 ah Sunday Sikul an nei tan a, hetih lai hian A, Aw, B leh Number te leh Pathian thu an duhlai te fawmkhawmin an zir mai thin a ni tih hriat a ni a. Keipawh in Sunday Sikul kan zir hmasak ber chu A. Aw. B a ni a, ka pa in lehkha ti awngin a duhlai min zawh thin chu ka la mitthla thei a ni. 1903 a Kohhran a lo din pawhin Sunday Sikul chu an chhunzawm zel a, 1979 a a hnan a zirlai an neih tak khan “*Baptist Thurin tlangpui leh principle*” tih an zira ni.

Seventh Day Adventist hian kum 1944 khan “Sabbath Sikul” an lo nei tawh a, 1946 a Kohhran a lo din chuan an chhunzawm ta zel a, tun thlengin tha takin an kalpui ta zel a ni.

United Pentecostal Church hi Feb 18 1950

khan din a ni a, a din atanga kum 9na 1959 ah Sunday Sikul an nei tan a, “Thupuan bu hrilhfiahna” an zir a, hei hi Rev.Zakamlova ziah ni a hriat a ni, tun thlengin Sunday Sikul hi tha takin an kalpui zel a ni.

Salvation Army Huang chhungah.

Kohhran dang anga Record nei thlip thlep ta lo chu “*Salvation Army Thu leh Hla*”, ka ziah lai pawhin ka buai hle thin a, hotu senior te ka be kual nasa a, lehkhabu hlui ka dap khawm hle bawk a, Sunday Sikul kan neih tan chhoh dan chu ka ziak zo thei hram a, hei hi document kan neih chhun chu a ni mai rih awm e. Sunday Sikul kan neih dan Official a document kan neih chhun chu, Sipai Tlangau 1935-1937 a lolang te hi a ni mai a. Hengte hi ziak a document kan neih te an nih avangin Sunday Sikul kan neih bul tan nan hman loh theih loh a ni.

Sipai Tlangau May-June 1936 leh July August 1936 a Sunday Sikul Exam a Passed te hming chu kum 1937 Sipai Tlangau ah ziah lan a ni a, mahse he Article ah hian a sei lutuk dawn avangin an hming tellovin, Exam beitate Corps chauh ziahlan a ni. Heta exam naah hian full mark 100 a ni a, pass mark 33 a ni. Hemi tum hian mi 34 in an passed a, heng te hi exam beitate Corps te chu an ni. (1) Kolasib.(2) Thiltlang (3) Darlawn (4) Phullen.(5)Zohmun(6)Hliappui(7)Baktawng(8) Bukpui (9)Khawruhlian(10)Aizawl(11)Sialhawk(12) Ratu. 13) Zawlsei (14)Muthi(15)Leng (16)Vanhne (17) Khawlian, heng khua atang hian kum khat chhung a tan zirlai Exam beitate an ni.

Kum chanve Exam an neih dan chu Sipai Tlangau ah “Zoram Sipai pawl thlaruk dan Sunday Sikul examna marks kim 50, pass mark 17. Corps 7 lai atangin mi 88 in exam an bei a, mi 39 chauh an tling a, a pathumna thleng hian DHQ in lawmman a pe a, kan lawmpui em em a ni. 1st Div-5. 2nd Div-9. 3rd.Div-25.TT=39.

Sipai Tlangau ah chuan exam a tling te hming te, an Mark hmuh zat leh Corps hming te ziah lan vek a ni a. Hetih hunlai hian Sipai Tlangau ah Bible Lesson tiin, zir tur bung leh chang te, sawifiahna tlem nen, zirlai tum ber leh chang vawn te an tarlang a, chung atang chuan an lo zir mai thin a ni. A chang chuan Exam hi kum khat ah vawi hnih te an nei thin. Heng hun lai hian Mizoram pum ah Sunday Sikul hi an nei niin a lang a, Corps a la tlem a, (1920-1937) chuan Officer pawh 27 chauh an

ni, an zinga thenkhat an zuzi leh nghal.

Sunday Sikul neih chhoh dan.

Sipai Tlangau ah Bible Lesson tihlan zel a nih tak loh avangin hotuten zirtur circular sei deuh zawk hmangin an buatsaih ta a, chung te chu zir a ni thin a ni. Zirlai bu mumal tak neih a nihloh avangin Sap ram lama Naupang zir tur an buatsaih International Bible Lesson (IBL) Mizo tawnga lehlin chu Corps tam takah Sunday Sikul zirlai atan an hmang ve a, heng hunlai hi 1951-1963 vel niin a lang. IBL hi Maj.Thazova (PG) leh Maj.Thansanga (PG) te pawhin Senior Corps ah an zir thu Phone in min hrilh a ni. Zohmun Corps ah pawh IBL hi hun engemaw ti chhung chu kan zir ve thin.

Hotuten Sunday Sikul zirlaibu nei tha vaklova awm reng ai chuan mi thiam an ni bawk a, Presbyterian zir ang apiang tawm ve mai ila an tih avangin Presbyterian zirlaibu tawm a ni ta a. Kum 1964 a an zir “*Daniela leh Thupuan Hrilfiahna*” tih bu Rev.Sakhawliana leh Rev.Lalnghinglova te siam chu zir a ni a, he zirlai ah hian Daniela chu awm tak tak lova sawina te a awm avangin, mi tam tak chu an tuilo tan ta a ni. Kum 1970 chuan Rev.Lalbiaktluanga leh Rev.Saiaithanga te ziah, “*Pathian thlil tum*” tih kan zir leh a, he zirlai ah hian **Sacrament** chu Pathian thil tum zingah an telh avangin kan tui ta lova, keimahnii puala zirlai siam kan tum ta a ni.

Zirlaibu hmasaber

Hetianga harsatna kan neih tak avangin Brig.Ngurliana DC chuan H.Zadawla BA. chu Sunday Sikul zirlaibu siam turin a tahawh ta a, a ni chuan insit tak leh huphurh tak chungin hotute thuawihna avang leh mamawhna a san em avangin kum lawklawh takah a ziak tan ve ta a ni tih a sawi a. Pu.H.Zadawla chuan chhut khatna thuhmahruai 4th June 1970 a ziak ah, hun chep tak kara ziak a nih avang a lehkhabu a rawn duh te a rawn hman loh zia sawiin, diklo leh tihsualpalh ah tumah mawhpuh tir lova, amah in a phurh vek tur thu patling takin a sawi lang a ni.

He Marka zir tanpui tu hi kum 1970 kum laklawh a ziah a nih avang leh Prince Printer Kolkatta ah daih chhut a nih avangin. 1971 ah zir hman a nih tak loh thu Pu.H.Zadawla’n 10th April 2002 ah ziak a min hrilh dan chu, “Marka zirna tanpuitu hi 1970 ah ka ziak a, 1971 ah printed a ni a, 1972 ah zir a ni” tiin. A bu ah hian 1st printed 1971, 2nd 1996 tiin ziah a ni bawk. Chuvangin,

Sipai Tlangau June 2011

he lehkhabu hi 1971 Sunday Sikul zir tura buatsaih ni mahse, 1971 ah chhut theih a nih tak chauh avangin 1972 ah zir a ni ta a ni.

Puitling Sunday Sikul hi Salvation Army Mizorama a din atanga kum 18 na 1935 atangin neih tan a ni a, a bul lamah zirlai mumal vaklo mahse 1972 atang chuan tun thlengin Pathian hruaina leh Sipaite thahnemngaihna avangin Sunde Sikul chu hmalam panin a kal zel a ni. Tun hma chuan ziaktu lam in daihlohna a

nasat avangin H.Zadawla siam hi zir nawn a ngai leh mai thin a. Tun a Sunday Sikul kan tih tak hi tun hma chuan Bible Class emaw Sunday Company emaw tih thin a ni a, zirtirtu pawh Company Guard tih a ni. Tunah chuan thangthar lehkha thiam zawk an lo awm tawh avang leh Officer zingah pawh Theologian an lo awm ta zel a, zirlaibu ziah ah pawh kan khawhar ta lova a lawmawm hle. Salvation Army Thu leh Hla 2002 phek 227-236 ah Sunday Sikul kimchang deuh a ziah a ni.

Sunday School Zirlai Bu indawt dan 2002 thleng			
1	H.Zadawla	Marka	1972
2	C.Vawra	Luka	1973
3	H.Zadawla	Marka (1972 a mi zir nawn a ni)	1974
4	Brig.Ngurliana	Rom	1975
5	Brig.Ngurliana	I Korinth	1976
6	Brig.Ngurliana	II Korinth	1977
7	Brig.Ngurliana	Ephesi & Galatia	1978
8	Lt.Col. Kapliana	Philipi, Kolosa, Thessolonika	1979
9	Capt. Lalkiamlova	I & II Timothy	1980
10	Capt. Lalkiamlova	Hebrai	1981
11	Capt. Lalkiamlova	Tita, Jakoba, Philemona	1982
12	H.Zadawla	I & II Petera	1983
13	P.Lalthianghlina	Tirhkoh Paula leh chanchintha thehdarhna hnathawh	1984
14	Lt.Col. Barbara. Chianghnuna	Johan leh Juda	1985
15	H.Zadawla	Marka	1986
16	Brig.Ngurliana	Thupuan	1987
17	Capt. Lalkiamlova	Genesis	1988
18	Maj. Lalthlamuana	Exodus	1989
19	Capt. Lalkiamlova	Josua	1990
20	Maj. Lalramliana	Roreltu	1991
21	Capt. Lalthlamuana	Nehemia	1992
22	Maj. Lalkiamlova	Israelte leh Pathian thuthlung	1993
23	Maj. Lalkiamlova	Lalpa chuan heti hian a ti	1994
24	Maj. Lalthlamuana	Chhandamna	1995
25	Lt.Col. Lalramliana	Thianghlina	1996
26	H.Zadawla	Marka (1972 a mi zir nawn a ni)	1997
27	Capt. Lalzamlova	Thlarau Thianghlim	1998
28	Maj. Lalthlamuana	I Korinth	1999
29	Lt.Col. Lalramliana	II Korinth	2000
30	Lt.Col. Lalthlamuana	Jona, Mika, Habakuka	2001
31	Maj. Lalzamlova	Tirhkohte thiltih	2002

Comment : *Hetianga thil pawimawh tak, Salvation Army History atan pawh a thil tangkai, kawl that reng tlak, zia a hmuh mai tur kan neih siloh, Lt Col.Lalramliana'n a han chhut chhuak dap thei mai hi a fakawm hle mai, India Eastern Territory a Sunday Sikul bul tan dan a nih avangin i vawng tha theuh ang u.* **Editor.**

“ I DIN LEH ANG U”

Literature (Ziak leh chhiar lamah)
Nehemia 2:17, Philipi 3:16

*J. Laldawngliana CLS
Dawrpui Vengthar Corps, Aizawl*

Kan chang thlanah chuan... sawichhiat kan nih tawh loh nan.... ‘I din leh ang u’ tih leh ‘Engpawh ni sela, kan thlen chin atang khan ham i sawn zel ang u’ tih kan hmu a. Insiam thatna lem leh hmasawna lam hawi tur a nih dawn avangin, a thu hi chu kan rem khawm tawh mai dawn nia.

Kan pawlhian ka rama Pawl (Denomination) Wise zawnga teh hian ziak leh chhiar (Literature Rate) lamah kan sang lutuk awm lo mang e aw! ka ti a. Achhan ka chhut danah chuan kan Territorial leh Division chhunga Sipai (Mmeber) awmzat leh kan Headquarters chanchinbu chhuak copy chhut zat a in mil (tally) loh dan atnag hian Sipai Pawl hi ziak leh chhiar (Literature) lamah kan hnufual zia a hriat theih a. Hman deuh khan Literature Sunday pawh kan hman tawh kha maw.

He kan thu ziak dawn hian ngun taka ka inngaihtuahin literature lamah chuan mithiam ber ka ni loh zia ka in hria a, fit ka inti lova insit tak chhungin ka veina aw ka rawn chhak chhuak ta phawng mai a nih hi. Chhiartuten hmasawnpui nan chhiar theuh ila ka duh hle mai, a tlangpui han inbih chiang teh ang.

1. Denomination/ Statics leh/ Literature (Literacy rate) as on 2011:

Kohhran	Member	Percentage
1. P.C.I	5,50,560	87.86%
2. B.C.M	1,65,000	91.01%
3. U.P.C (NEI)	80,000	85.10%
4. U.P.C (Miz)	41,000	75.00%
5. Seventh Day Adventist	26,000	95.00%
6. A.O.G	3,000	80.00%
7. S.A	54,697	Survey mumal a awm lo

2. Sipai Pawl bika kan dinhmun:

(1) T.H.Q & D.H.Q atanga lehkhabu; News Bulletin Copy chut chhuah zat leh member/ family awmdan chu inthlau tak a ni. Headquarters in chanchinbu a chut dan chu:

Area	Family	Member	Home League	S.A.Y	YP
THQ	11,205	54697	7590	9065	4600vel
DHQ(inkawp)	4633	22365	3118	4123	2252vel

(2) Headquarters atanga chanchinbu chhuak hi chhungtin. membartin in kan chhiar kim tak meuh ang em? Lo la zo vek ta ang pawh ni ila chhungkua/ member engzat in nge la ve lo, ilo chhut teh ang. A chiah chu a ni lo maithei a, a tlangpui chuan a dik vel ang.

Bulletin Area	Copy chhut zat leh a	Latu zat leh Family/ Member	La lo zat Family/ Member
Sipai Tlangau (THQ)	5,000 ` 5/-	11,205	6,205
Raldona (DHQ)	1,900 ` 5/-	4,633	2,733
Chunnunpar	3,000 ` 3.50/-	7,590	4,590
Y.S (THQ)	3,000 ` 4/-	9,065 members	6,065 members
Naupang Sipai (THQ)	2,500 ` 2/-	4,600 members	2,000 members

(3) Sipai Tlangau THQ chhut zat hi lo la (sem) k ta ang ila Sipai chhungkua 2.24% in bu khat hi kan intawn tihna a ni ang a, Raldona DHQ chhut hi 1,900 hman kum engemaw tih kal tawh atanga an chhut copy zat tun thlengin a Copy an la pun belh chuang lo chungin lo la zo vek pawh ni ila DHQ huam chhung chauha Sipai chhungkua 2.43% in bu khat kan lak tawm ang a ni ang a. Young Salvationist THQ chhut hi Copies 3,000 a ni a. Bu khat hi SAY member 9,065 awm si ah member 6,065 chuan an la lo tihna a ni a, Bukhat hi SAY member 3.02% in an inchhiar tawm tihna a ni ang a. Chunnunpar THQ chhut hi Copies 3,000 a ni a, Territory huam chhungah Home League member 7,590-ah member 4,590 te chuan an la ve lo ang a ni a. Bu khat hi Home League member 2.53% in an inlak tawm ang a lo ni a. Naupang Sipai THQ chhut Copies 2,500 hi YP member 4,600 vel awm anga ngaih theih a ni a, YP member 2,000 vel chuan an chhiar ve lo tihna a nih chu maw le.

Chutianga kan dinhmun a awm mek lai chuan THQ/DHQ a kan chanchinbu chhuahte hi an la sem le lehngal; a! Khing kan han tarlan tak ang deuh a chanchinbu etc, Section hrang leh chhungkua tam zawk te tan Headquarter kutchhuak ngei kan chhir lo a nih ngai chuan chhiar ve lo Sipai, SAY, Home League, YP memberte phei chuan engtin nge Sipai Pawlk chanchin leh kan pawl dinhmun kan hriat theih treh lul ang ni! /kan chanchinbu pawh ka hluta kan chhiar peih n Headquarters chanchin ka hre tlem ngawt ang.

4. Lehkha chhiar tamin an hre tam:

Ka Sipai pui unau te u, Sipai Pawl hi Pathian leh kan ta a ni a, Sipai Pawl sukthlek dan leh kalphungte hre bel thei tur leh hma kan sawn zel theih nan tun atangin hma la ila THQ Trade (Book Room) ah mithiam pui pui te kutchhuak leh lehkhabu siam a in rem thet thut a lei ila i chhiar ang u. Local Officer leh hruaitu ni ve si mahni pawl Doctrine leh inkaihhraina danmumal pawh hre lo nih hi thil inhmeah lo leh zahthlak tak mai a ni a, a lo berah lehkhabu dang te kan chhiar lo a ni pawhin keimahni Headquarters kutchhuak chanchinbu na na te tal hi chu chhiar uar thar ila tan ila thar theuh teh ang u.

CHANCHIN LAWRKHAWM

WESTERN DIVISION : Ni 26 march 2011 Inrinni khan Jiribam School Building Western Division in Rs,95000/- leh tha tam tak senga an sak chu Maj.S.Biakliana D.C. in a hawng a, DYS leh DDWM ten an tawiawm bawk a. Western Division chhunga Officer ten Work Camp neiin School sak bul an tan a. Jiribam C.O bial chhunga thawktu E.T leh S.C ten hnatlang an nei thin bawk a. Heng bakah hian Central South Division atangin Bethlehem Corps SAY ten Work Camp neiin hna an thawk bawk a, Jiribam C.O leh sipai te an lawm hle. He Sikul ah hian kan mi leh sa te mai bakah Christian pawh nilo Meitei leh Naga ten an fate an rawn kaltir bawk a ni.

TLANGMAWI CORPS BIAKIN HAWN: Ni, 27 March 2011 Pathian ni khan Tlangmawi Corps Biakin Western Division a mi chu Rs,329000/- leh tha tam tak senga sak chu Maj.S.Biakliana D.C in Pathian hnenah hlanna neiin a hawng a. Inkhawmna nung leh hlimawm tak neih zui nghal a ni. Biakin hawmna leh lawmna inkhawm ah hian Ngaihban ramthar atangin Presbyte-

rian thalai ten Pathian chawimawi nan zaipawl benglut tak mai an rawn nei a. Ngaihban ramthar Corps atang pawhin sipai engemaw zat an rawn tel bawk a, Hmarkhawlien Corps leh Silchar City Corps atang pawhin an rawn tel bawk a. Heng bakah hian an khaw thenawm vel atangin Kohhran dang unau te vai leh Khasi unau te thlengin an rawn tel a ni. Tlai lam Dar 2:00 pm ah inkhawm an bang thei chauhva, Biakin thar lawmnan khawtlangin tlai takin ruai an theh bawk a ni.

He Biakin sak nan hian Tlangmawi Corps a sipaiten tha tam tak an seng a, chumi mai bakah Lungdai Corps leh Bilkhawthlir Corps ten Work Camp neiin an pui bawk a. Divisional Commander hi DDWM leh DYS leh Capt.Lalhmngthanga C.O. te chhungkua in an han tawiawm a ni.

CENTRAL NORTH DIVISION: Tripura ramah Sipai pawl rawngbawlna tluang takin a kal zel a, hmun thenkhat te phei chu Ringthar te an nih avangin inkhawm dan pawh la thiamlo te an ni a. Hmun thenkhat a mi te chu Kristian lo ni tawh, Kohhran zawm nei lemlo te an ni. Thenkhat

te erawh chu Kohhran mumal nei tak, mahse, Sipai pawl rawn zawm duhtute an ni bawk.

Kum in Centre thar hawn te :

- (1) Than khua (Simalung-1)
- (2) Than khua (Simalung-11)
- (3) Lungphun
- (4) Tangpui.
- (5) Hajiradhonpara.



Waigati Society Biakin hawn

Centre hawn leh tura buatsaih mek:

- (1) Agast saimarua
- (2) Saimarua Bazar
- (3) Chhota Gongrai-11.
- (4) Katolbari.



*Chhotagongrai Society
Thianglimna inkhawm*



*Isak Malsawmkima
Quarter thar ah*

Biakin nei leh sak saktute :

- | | |
|--------------------------------------|--|
| 1. Chhota Gongrai. | Bazar C.O. bial. |
| 2. Than khua-1. | Bazar C.O.bial. |
| 3. Waigati | Chaltlang Corps. |
| 4. Satrai | Chaltlang Corps |
| 5. Chhimluang School | Chaltlang Corps. |
| 6. Damdiai Quarters | Chaltlang Corps |
| 7. Tuinaisa (Temple in an chhonzawm) | Chaltlang Corps |
| 8. Raimolsom | Bazar Corps SAY |
| 9. Than khuan (Simalung) ah | Bethlehem Corps in thawktu Quarters an sa. |

Biakin Sak mamawhna te:

- (1) Lungphun
- (2) Tangpui
- (3) Chhota Gongrai-11.
- (4) Katolbari. Hengah te hian Corps leh Mimal ang pawhin an Biakin sa turin Pathianin a ko che u a, In chhang thei dawn em?

DAR PE : Chawnpui Corps Sipai thahnemngai ten Tripura ramthar tan Dar an pe a, kan lawm hle a. Pu.Zoramthanga C.T. te chungkua in Tangpui khua tan an pe a, Pu, Vawra te chungkua in Lungphun khua tan an pe bawk.



FINANCIAL CAMPAIGN: Division chhungah Financial campaign thawhkhatna leh thawhnhniha neih zawh tawh a ni a. Campaigner te an fakawm a, an hnen atanga report kan dawn danin financial Campaign kan neih tawh ah chuan a feed back a la tha berin hlawhtlinna duhawm tak an nei tih kan dawng.

THAWKTU THAR : Pu. K.Lalrammawia chuan DHQ ah Peon hna kum 10 chuang lai mai hotute leh Pathian duhsakna zarah a thawh tawh hnuin a chawlh a lo hun tak avangin a aiawh turin 29.Feb 2011 khan Central North Division Council chuan Tv.Lallawmzuala Bazar Corps chu an la a, Ni 1 April 2011 atang khan a zawm nghal a ni.

SERCHHIP C.O BIAL WOMEN SEMINAR : Ni 18 March 2011 khan Serchhip C.O. bial Women Seminar Serchhip Corps ah “Ramri piah lam thlengin” tih thupui a hmangin nilengin hun hman a ni a. Zanah inkhawm chhonzawm nghal a ni. He hun min hmanpui tur hian DHQ atangin Maj.Lahlimpuii DDWM leh Maj.Phirthangi DSWM leh Pi.H.Lalnuntluangi HLT Ebenezer Corps leh Pi.Malsawmpari HLS Gilgal Corps ten an hmanpui a. Member 37 lai kalkhawmin an hlim hle a, an hlawkpuiin zawngchhang tlak an ti hle.



Sipai Tlangau June 2011

CAMPING ZEMABAWK CORPS : Speaker, J. Lalhmachhuana 'Isua thian te Team' a mi S[peaker a hmangin Zemabawk Corps in Camping hlawhtling tak an nei a, he Camping hi a pangngai ang chuan chhawng thum lai nei a ni a, Naupang Camp leh Rawngbawltu pual te nen chuan chhawng 5 lai a nih chu. Ni 4 April 2011 khan Kulikawn atangin Bawngkawn thleng kawngzawh a ni a, hmun hrang hrang ah Pathian thuchah puanchhuah a ni baw a, he kawng zawh hi "*Hnehna kawng zawh,*" vuah a ni.

Report:

HOME & SCHOOL FOR THE DEAF, DARJEELING LAM HAWIIN AW!

Capt. Vanlaltluanga
Superintendent

Home & School for the Deaf, Darjeelingah hian Bengngawng, Tawngtheilo Naupang 62 enkawl mek a ni a. Lehkha zirna hi class VII thleng kalpui a ni a, Vocational Training Center (kut themthiamna lam zirna) ah chuan Computer, Puanthui, Laphiar, soft doll (Teddy Bear ang chi) te leh Craft lam te zirtir an ni baw a ni. Cricket leh Football ah pawh an hniam lo khawp mai.

E khai! Darjeeling ah kum hnih dawn kan lo awm ve ta der mai! He hun chung tawite hian Lalpan a kut chak takin min hruai in malsawmna in min va vur nasa em! Amah ngei in min tanpui ani tih kan Nupa in kan chiang taw a ni.

Hetiang hian han sawi ta ila:

1. West Bengal State ah hian Naupang Bengchhet leh Tawngtheilo enkawl na Centre 22 zet mai a awm a; Naupang an duhthawh hlawn hle a- Keini erawh nikum atang khan admit sen loh naupang Lalpan min pe.

2. Tun kum ah phei chuan kan la seng lo leh zual; Khum kan nei daih loh vangin naupang nu leh paten an fate khum tur 10 zet an rawn in tum chawp tawp mai.

3. State thar demand avangin Strike/Bandh awm fo mahse kan institution chu zirna emaw development work kan chawl chuang lo.

4. Republic Corps in Waiting shed mawi tak mai ` 15,000.00 chuang sengin min rawn siam sak; Darjeelingah hian ruah a sur duh em em a, Day scholar rawn nghaktu Guardian ten tawmhulna an nei ve ta. Kan va lawm tehlul em!

5. Gorkha hovin state thar an ngiat avangin kum 4 dawn Darjeeling District hian Electric bill kan chung tawh lo a ni. Bengngawng, Tawng theilo te hi eng ah lo chuan an in be thei lova, load shedding a zing ve ta viau si a, kan buai thin hle a ni. Bethlehem Corps Y.P Corps ten December 2010 khan min rawn tlawh hlauh mai a, a rah chhuah Inverter tha tak mai min pek avangin load shedding kan cho ta hle mai. ` 22,000.00 zet mai min rawn pe a, kan lawm dan chu nasa tak a ni.

6. Jehova Jire Dawr neitu Pi Thuampuii te chung, Chanmari Corps Aizawl hnen atangin Home Choka ah Aqua guard (electric hmanga tui tih thianghlimna) kan fit ta ran mai; Naupang ten Tui Thianghlim tak an ring thei ta. An ni chung vek hian Home naupangte tan bed sheet an rawn tum baw, kan va lawm tehlul em!

7. Local Donor atangin kan naupangte hman tur TV kan dawng baw.

8. Sorkar lam pawh in min ngaihtuah tha taw:

a) 2009 kumah leimin kan tura - Sorkar lamin ` 300,000.00 chuang sengin min rawn siamsak leh.

b) Leimin tawrh leh hlauhthawn thu ah Retaining wall ` 400,000.00 chuang man tur min rawn siam sak baw.

c) School hall tur (Biakin a hman theih baw tur) ` 500,000.00 chuang senga sak mek a ni.

d) Kitchen (Choka) leh Store room Extension atan ` 300,000.00 sanction ani leh ta baw - Iron Rod leh Cement nghah mek a ni.

e) Water Tank leh Connection ` 200,000.00 chuang

PHE lam atangin order a chhuak tawh a hna erawh an la rawn tan lo deuh

Home Balance atangin Hostel furnishing, kitchen Renovate, Septic tank & Toilet repair, etc a tan hian sum tam tak sen a ni baw; chutiang hna thawk thei tura phalna min petu THQ a kan hotute chungah kan lawm hle a ni. A chungah tarlan bakah hian sawi tur tamtak la awm duh tawk phawt mai ila.

Lalpan Thlarau bo kan huang chhunga rawn tirhte hi Pathian thu sawipui a, an thinlung hneh a awlai lo hle mai. Kan kovah Lalpan a nghtat tlat baw; Tawngtaipui kan va ngai em! Tun kum atang hian Deaf (Church) din turin kan in buatsaih mek. Kan naupang tam zawkte hi sakhaw dang a mi te ni mahse an nu leh pa te phalna ngeia Kristian sakhaw zirtirna kalpui an ni. Lalpan thil ropui tak min tih sak a, kan lawm hle a ni. (Sam 126:3) Kan thlen chin aia "Ropui zawk" (thlarau bo chhandamna) minla hmuhtir ngei kan beisei, chu chu kan Tawntaina pawh a ni e.

TERRITORIAL HOME LEAGUE CONGRESS 2011 REPORT.

*By. Lt Col.kawramthangi
TSWM. THQ Aizawl.*

Territorial Home League Congress Col.Lalngaihawmi TC/TPWM kaihhraina in Aizawl Temple Corps ah Ni 25 - 27 February 2011 khan hlawhtling takin neih a ni.

Home League Congress hi Commr.Lalkiamlova IS leh Commr.Lalhimpuii ZSWM ten min hmanpui a. Hemi bakah hian Maj.Sanjivani, Indian English War Cry Editor leh Maj.Lalhriatpuii WACI Secretary te pawh Kolkatta atanga lokalin min han hmanpui baw a ni. He Congress chhung hian kum 2011 atana Home League thupui "Beyond Borders" (Sam 24 : 1) thu hmangin Pathian thuchah nung tak, Commr.Lalkiamlova IS leh Commr.Lalhimpuii ZSWM leh Colonel,Lalngaihawmi TC leh Maj.Thantluangi THLS te hnen atangin ngaihthlak a ni baw.

Khawmpui Palai kal report zat chu 3500 a ni a, Corps leh Society 165 atangin kan kalkhawm a. Khawmpui chhung a inkhawm zawng zawng zat chu 16000 kan ni a, thawhlawm lakkhawm pawh `70212/- a ni baw. Khawmpui ah hian Home League Shield pekchhuah leh a ni a, Division tehna chi hrang hrang point 10 hmanga tehna a ti tha ber te hnenah lawmman hlan leh a ni, chu lawmman hlu tak chu Central South Division Home League ten an dawng a ni.

Khawmpui chhung hian Buhfaitham tha te hnenah lawmman pek a ni baw a, hengte a dawngtute an ni.

1. Pi.Lalthlamuani HLS Dawrpui Vt. Corps. No 25400
2. Pi.Lalnunchami College Veng Corps No 21840
3. Pi.R.Lalsangpuii HLS Hermon Corps No 11480

Khawmpui ah hian Thianghlimna inkhawm ah Helping hand lakkhawm a ni a. Ramthim Area bik te tan tum hnih Collection siam a lakkhawm a ni baw. Inrinni Chawhnu ah Vanapa Hall ah hun hlimawm tak hman a ni a, Traditional Dance display te, leh Items benglut tak tak te neih a ni a, hun hlawhtling tak hman a ni. Sunday tlai ah Millenium Centre kawtah Mual inkhawm neih a ni a, kawngpui dungah Band leh Timbrel ten hma hruaiin ropui takin kawng zawh a ni baw. Pi.Lalnuntluangi HLT Ebenezer Corps in Pathian thuchah nung tak a sawi a, mi rilru a khawih hle a, mi 2300 vel mipui an kalkhawm a ni. Final Meeting ah Col.Lalngaihawmi TC in Zahngaihna Dawhkan a hawng a, mi 2800 lai Pathian hnenah a in hlan thar.

Home League Congress rahchhuah te:

1. Kan Hmeichhiatpui rahbi tleute tan Vocation/After Care siam sak nise. Territorial Level a a rang thei anga hmalak ni ang.
2. Prayer Mountain ah Riahhawmna tur emaw In, a mamawhna ang a sak ve nise kan ti baw.